

CHAPTER VI.

BABILON KWICHILZI AKO JISUS KREIST NITTINIDHUT TEI
KYIDETUG KAKWEDHA TEI.

BABILON kwiz zit trelndi nukwichochik chitsut-tetsinektheichotyin kwichodhut, nittso Jeremiah kuttugwitäug kwiyetshi ket kwahnduk tigwitechya. Chih nukwichochik chitsuttetsinekthuichotyin kwilitkochik kwittle. Joudaianut khe kitti kthoikit kwu tsut kinegichithichil Kuros, Persia kekwadhutchoh, akotikotinyoo kirkhe, Zorobabel kotinyöuk kirkhe, Jerousalem Zzehrsikotitinyoo nutrikwutah-tsya kenjit. Ko chih tungettiyin kathog kwahut-tseinetrigwinchya kwitchinnut kwu tsut nyakwun tunginchyo kirkhe, ako chih kwittrid zukkwichäe Darius, Persia kekwadhutchoh, kwundeit tei kwu tsut, uttun kuttukwichildhut Vittekwichanchyo Zzehrsikotitinyoo ako kettranduk chun nutukwutatattha thlyegoo. Kuttugwitäugnut Haggai ako Zekariah akotei kookwundeit, ako Joudaianut uttekwigititinae Zzehrsikotitinyoo netrikwintthet kwi-ttridtekoogwutahya. Nukwichochik enekwidichit kwittle, Nehemiah Joudaia nunh kug kwu tsut chozi Kekwadhutchoh Artaxerxes akotikonyoo kirkhe. Jerousalem tshihthul nutrikwutah-tsya kenjit tuninlik, ako ei zzehkwiyei kwiz zit kuttrookwadhut ako tinjihnut enjit kuttukwitadhut kwitti nukweltsej.

Jerousalem nutrikwintthui kwut sut, Darius kwu